



**Služba za ekonomski razvoj,
poduzetništvo i poljoprivredu**

Broj: 04-11-10202-4/2024
Tuzla, 16.08.2024. godine

PREDMET: Program raspodjele sredstava tekućeg granta za podršku projekata iz oblasti poduzetništva, za 2024. godinu;

U Budžetu Grada Tuzla za 2024. godinu, na poziciji Tekućeg granta za podršku projekata iz oblasti poduzetništva, planirana su sredstva u iznosu od **30.000,00 KM**.

Članom 22. Odluke o izvršavanju Budžeta Grada Tuzla za 2024. godinu („Službeni glasnik Grada Tuzla“, broj: 12/23), utvrđeno je, da se sredstva na navedenoj poziciji raspoređuju na osnovu Programa raspodjele sredstava, donesenih od Pomoćnika gradonačelnika za Službu za ekonomski razvoj, poduzetništvo i poljoprivredu, u skladu sa kriterijima, u ovom slučaju, utvrđenim važećom Odlukom o načinu raspoređivanja finansijskih sredstava iz Budžeta Grada Tuzla neprofitnim organizacijama po LOD metodologiji („Službeni glasnik Grada Tuzla“, broj: 1/19, 7/20, 5/21, 4/22 i 2/24), (u daljem tekstu: Odluka).

Odlukom su određeni uslovi, način i kriteriji raspoređivanja sredstava Budžeta Grada Tuzla koja se dodjeljuju za podršku projekata neprofitnih organizacija (udruženja i fondacija), koji se kandiduju putem javnog poziva, kako su u Budžetu Grada Tuzle za 2024. godinu namjenski planirana i pozicionirana sredstva Tekućeg granta za podršku projekata iz oblasti poduzetništva.

Na osnovu člana 4. Odluke donesen je Program utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije - Tekući grant za finansiranje projekata iz oblasti poduzetništva – ekonomski kod 614311/49, za 2024. godinu, broj: 04/11-A-10202-2024, od 04.07.2024. godine, kojim su, između ostalog, određeni opći ciljevi projekata, fokus projekata, te projektne aktivnosti koje će se moći realizovati iz navedenih sredstava, odnosno prihvatljive projektne aktivnosti predložene u projektima kojima će aplicirati potencijalni učesnici u javnom pozivu, zatim je utvrđen minimalni i maksimalni iznos podrške za pojedinačne projekte i druga pitanja u vezi sa načinom utroška navedenih namjenskih sredstava.

Prema gornjem Programu, opći ciljevi kandidovanih projekata su utvrđeni u sljedećem pravcu: jačanje partnerstva između neprofitnih organizacija i Grada Tuzle, odnosno izgradnja svijesti o koristi i efektima međusobne saradnje u funkciji unapređenja i razvoja poduzetništva, kroz direktnu i indirektnu podršku krajnjih korisnika iz ciljnih grupa kandidovanih projekata.

Putem javnog poziva, koji je bio otvoren od 08.07.2024 do 29.07.2024. godine, i objavljen na službenoj internet stranici Grada Tuzle, a obavještenje o objavljenom javnom pozivu je preuzeto od lokalnih elektronskih medija, blagovremeno je zaprimljeno 11 (jedanaest) aplikacija. Pristigli projekti su u propisanom postupku i primjenom utvrđenih kriterija i podkriterija, pregledani i adekvatno ocijenjeni od strane Komisije imenovane rješenjem Pomoćnika gradonačelnika za Službu za ekonomski razvoj, poduzetništvo i poljoprivredu.

Radi se o projektima koje su kandidovali: Udruženje „Golf klub Tuzla“ Tuzla, za projekat „Golf turizam – Tuzla moderna turističko-sportska golf destinacija“, Udruženje „Centar za socijalne inovacije“ Tuzla, za projekat „Laboratorija za socijalne inovacije u poduzetništvu“, Udruženje Centar za edukaciju i obrazovanje, za projekat „Poduzetništvo za sve“, Fondacija za inovacije, tehnologiju i transfer znanja, za projekat „Osnaživanje mladih za razvoj poduzetništva u industriji 4.0“, Kantonalna privredna komora Tuzla, za projekat „Unapređenje kompetencija žena poduzetnica u oblasti upravljanja biznisom“, Udruženje „Humanitarna organizacija Bosanske ruktovrine“ Tuzla, za projekat „Cijela Tuzla jednu kozu muzla“, Udruženje za unapređenje konkurentnosti održivog razvoja „PROSPERA“ Tuzla, za projekat Baština u gostoprimstvu: Osnaživanje žena u turizmu, Udruženje obrtnika grada Tuzle, za projekat „Edukacija obrtnika 2“, Udruženje „Snaga žene“ Tuzla, za projekat „Spoznaj i pokreni poduzetnički poduhvat“, Udruženje građana Centar za promociju i razvoj „ACTIVUS“ Tuzla, za projekat „Izazovi i inovacije: Poduzetnički put kroz stranice“ i Udruženje „Centar za promociju cjeloživotnog učenja ERAZMO“ Tuzla, za projekat „Programiraj poduzetnički“.

Komisija za ocjenu i vrednovanje kandidovanih projekata, primjenjujući utvrđene kriterije ocijenila je da svi naprijed navedeni projekti ispunjavaju uslove i kriterije iz Programa utroška sredstava iz Budžeta Grada Tuzla za podršku projekata neprofitnih organizacija putem javnog poziva, sa pozicije-Tekući grant za finansiranje projekata iz oblasti poduzetništva – ekonomski kod 614311/49, za 2024. godinu, broj: 04/11-A-10202-2024, od 04.07.2024. godine, te da su kandidovani projekti fokusirani na ostvarivanje ciljeva u prioritarnoj oblasti-poduzetništvo, definisanih istim Programom.

Nakon što su adekvatno vrednovani naprijed navedeni projekti udruženja, za koje je ocijenjeno da su kvalifikovani za podršku iz sredstava Tekućeg granta za finansiranje projekata iz oblasti poduzetništva, te bodovanjem istih prema kriterijima utvrđenim LOD metodologijom, na osnovu prijedloga nadležne komisije, koji je prihvaćen u cijelosti, sačinjen je ovaj Program raspodjele sredstava tekućeg granta za finansiranje projekata iz

oblasti poduzetništva, za 2024. godinu (u daljem tekstu: Program), koji je prikazan u sljedećem tabelarnom pregledu:

Program raspodjele sredstava tekućeg granta za finansiranje projekata iz oblasti poduzetništva, za 2024. godinu

Redni broj	Nosilac realizacije projekta/ naziv udruženja, organizacije	Naziv projekta	Iznos dodijeljenih sredstava za podršku projekta (u KM)
1.	Udruženje „Golf klub Tuzla“ Tuzla	GOLF TURIZAM – Tuzla moderna turističko-sportska golf destinacija	2.000,00
2.	Centar za socijalne inovacije Tuzla	Labaratorija za socijalne inovacije u poduzetništvu	2.000,00
3.	Udruženje Centar za edukaciju i obrazovanje	Poduzetništvo za sve	3.500,00
4.	Fondacija za inovacije, tehnologiju i transver znanja	Osnaživanje mladih za razvoj poduzetništva u industriji 4.0	2.500,00
5.	Kantonalna privredna komora Tuzla	Unapređenje kompetencija žena poduzetnica u oblasti upravljanja biznisom	2.000,00
6.	UHD Bosanske rukotvorine Tuzla	Cijela Tuzla jednu kozu muzla	2.500,00
7.	Udruženje za unapređenje konkurentnosti održivog razvoja „PROSPERA“ Tuzla	Baština u gostoprimstvu: Osnaživanje žena u turizmu	2.500,00
8.	Udruženje obrtnika Grada Tuzla	Edukacija obrtnika 2	5.000,00
9.	Udruženje „Snaga žene“ Tuzla	Spoznaj i pokreni poduzetnički poduhvat	3.000,00
10.	Udruženje građana Centar za promociju i razvoj „ACTIVUS“ Tuzla	Izazovi i inovacije: Poduzetnički put kroz stranice	2.500,00
11.	Udruženje „Centar za promociju cjeloživotnog učenja Erazmo“ Tuzla	Programiraj poduzetnički	2.500,00
	UKUPNO RASPOREĐENA SREDSTVA:		30.000,00

Ovim Programom će se pružiti širok spektar podrške velikom broju krajnjih korisnika podržanih projekata, koji pripadaju ciljnim skupinama nezaposlenih mladih osoba, osoba sa invaliditetom, nezaposlenih žena, dakle korisnika koji pripadaju segmentu socijalnog poduzetništva, te krajnjim korisnicima u segmentu malih biznisa i poduzetničkih i obrtničkih firmi, s ciljem razvoja svijesti o poduzetništvu i promocije poduzetništva, kao i razvoja turizma i promocije turističkih potencijala na području grada Tuzle, a u partnerstvu i sinergijskim djelovanjem Grada Tuzle sa organizacijama-udruženjima građana.

Završne odredbe:

Ovim Programom, za prihvaćene projekte, koje će realizovati: Udruženje „Golf klub Tuzla“ Tuzla, Udruženje „Centar za socijalne inovacije“ Tuzla, Udruženje Centar za edukaciju i obrazovanje, Fondacija za inovacije, tehnologiju i transfer znanja, Kantonalna privredna komora Tuzla, Udruženje „Humanitarna organizacija Bosanske rukotvorine“ Tuzla, Udruženje za unapređenje konkurentnosti održivog razvoja „PROSPERA“ Tuzla, Udruženje obrtnika grada Tuzle, Udruženje „Snaga žene“ Tuzla, Udruženje građana Centar za promociju i razvoj „ACTIVUS“ Tuzla i Udruženje „Centar za promociju cjeloživotnog učenja ERAZMO“ Tuzla, u skladu sa razmotrenim i prihvaćenim budžetima svakog projekta, raspoređuju se sredstva u Budžetu Grada Tuzla za 2024. godinu, na poziciji Tekući grant za finansiranje projekata iz oblasti poduzetništva – ekonomski kod 614311/49, u planiranom iznosu od 30.000,00 KM.

Krajnji rok za realizaciju ovog Programa odnosno implementaciju planiranih aktivnosti podržanih projekata je 31.12.2024. godine.

Sredstva raspoređena ovim Programom bit će doznačena odabranim implementatorima, odnosno navedenim organizacijama-udruženjima, koji će realizovati prihvaćene projektne aktivnosti.

Sa implementatorima projekata koji su predmet ovog Programa, zaključit će se ugovor o regulisanju međusobnih odnosa u vezi realizacije sredstava raspoređenih ovim Programom, uz obavezu korisnika da Službi za ekonomski razvoj, poduzetništvo i poljoprivredu dostave narativni i finansijski izvještaj sa pratećom dokumentacijom kojom se dokazuje namjenski utrošak odobrenih i doznačenih sredstava.

Nakon realizacije ovog Programa Služba za ekonomski razvoj, poduzetništvo i poljoprivredu će pripremiti i prezentirati Gradonačelniku i Gradskom vijeću Tuzla informaciju o realizaciji i utrošku raspoređenih programskih sredstava.

**Pomoćnik gradonačelnika
za Službu za ekonomski razvoj, poduzetništvo i poljoprivredu**

Alma Halilović, dipl.ecc.